

## Radunanza dals participants BCG sut l'ensaina da creschientscha, responsabladad ed engaschament

Cuira, ils 28 da mars 2015 – 2'580 giasts han prendi part la sonda a la 30avla radunanza dals participants da la Banca Chantunala Grischuna (BCG) en la Halla da la citad da Cuira. Dal bun resultat da fatschenta han part era questa giada tut ils purtaders da scrits da participaziun ed il Chantun cun ina dividenda da 38 francs resp. in pajament da 95 milliuns francs.

«Nossa concepziun da fatschenta sa basa sin la cuntinuitad e durabladad. La buna bilantscha da la BCG l'onn da rapport conferma in'ulteriura giada la dretga orientaziun da l'interpresa», ha ditg il president da la banca Peter Fanconi a l'avertura da la 30avla radunanza dals participants da la BCG en la Halla da la citad da Cuira. El ha engrazià per la fidanza da las participantas e dals participants vers la BCG che furma la basa per il success da la banca a lunga vista.

### Gudogn dal concert augmentà

«Il resultat annual da la BCG è sa sviluppà il 2014 en il rom da las aspectativas communitgadas. Il ferm augment brutto e la gronda productivitat èn stadas las pitgas da noss svilup solid», commentescha il CEO Alois Vinzens la bilantscha. Il gudogn dal concern è s'augmentà per 1,6 pertschient sin 163,8 milliuns francs. Las fatschentas da finanzas – consequentamain la BCG – spetgan vinavant grondas sfidas professiunalas e finanziaias, cunzunt: l'extensiun e la cumplexitad da la regulaziun, il squitsch da marschas e la nova orientaziun da la plazza da finanzas. Grazia a la productivitat remartgbla e la dotaziun d'agens meds extraordinaria dispona la BCG d'in ferm fundament. Sfidas futuras pon vegnir prendidas a maun cun buna speranza ed or d'ina ferma posiziun.

### Engaschè per il Grischun

«Nus partain il success cun tut las gruppas participadas. Ultra dals pajaments al Chantun ed als participants èn quest onn danovamain dus milliuns francs ids en noss fond da contribuziuns BCG», ha remartgà Vinzens. Uschia finanziescha la banca mintg'onn cun radund 1 pertschient da ses gudogn projects en e per il Grischun e quai sin ils champs d'utilitad publica, da la cultura, dal sport, da l'economia, dal turissem e da la societad. 2014 ha la BCG sustegnì cun ses fond da contribuziuns tranter auter l'Academia Raetica Tavau ed il film «Schellen-Ursli». Contribuziuns han era survegnì numerus concerts, represchentaziuns da teater e bleras uniuns. Er ils giubileums «125 onns Viafier retica» e «100 onns traject Cuira-Arosa» èn vegnids sustegnids cun daners da quest fond. En il rom da ses sponsoring ha la BCG investì supplementarmain 900'000 francs. Da menziunar qua è il partenadi cun il Club da Hockey da Tavau e cun l'Open Air Lumnezia.

### Midadas en il cussegl da banca

A la fin da la part uffiziala ha il president da la banca Peter Fanconi dà adia als dus cussegliers da banca Jon Peider Lemm e Not Carl ed engrazià per lur lavur per la BCG. Silsuenter ha el beneventà lur successurs dr. Christoph Caviezel e Thomas Huber en il gremi da la banca.

### Highlights musicals

Durant la part da divertiment han Matt Stämpfli e sia SWISS Band da la societad aviatica Swiss procurà per in highlight musical plain schlantsch e ritmus. Per il highlight culinaric èn stads responsabels danovamain Christoph Tobler e ses team. L'occorrenza è vegnida averta ed accompagnada da la musica instrumentala da la BCG.

### Vossas dumondas respunda gugent:

[alois.vinzens@gkb.ch](mailto:alois.vinzens@gkb.ch)

President da la direenziun generala | +41 81 256 94 26

### Il sector Marketing & comunicaziun As gida gugent a cuntanscher il pli svelt pussaivel Vossas personas da contact:

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11

ubain a [hans-peter.rest@gkb.ch](mailto:hans-peter.rest@gkb.ch) | +41 81 256 83 10.

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. La banca occupa l'070 collavuraturas e collavuratur (stadi dals 31-12-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,591 milliardas in gudogn brut consolidà da CHF 207,3 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Rendaquint semestril 2015:

31 da fanadur 2015